

脈理集要



脈理集要全卷

目次

候脈圖談

原序要略

統屬診法

脈訣總歌

脈理詳辨

經絡部位

妊婦脈

小兒脈紋

小兒脈候

脈會

脈位

氣形

來去

尺寸

上下

前後

至數

歇止

陰陽

診例

七情

無脈

反脈

異脈

怪脈

止脈

政脈

勝負扶抑

各部不勝

不勝期訣


虛數期訣

真臟俱搏

上古三診

候脈圖說





百脈皆朝於肺惟兩手寸關尺脈皆肺部候之可知周身之病
來去前後上下陰陽至數歇止俱詳載是書查悉可也

原序要略

脈之為候立有統屬醫之心法斯其至矣統舉其概
症應診言得統合之盡大而無餘屬求其精病見脈
言得屬析之極微而不紊統之為制一部之脈上下
之至狀同而兼前後候之屬之為度一脈之間上下
之至狀異而有前後浮沉兩旁覆溢八候之別復又
闡素問之妙奧集脈理之精詳參先哲之至言啟後
學之捷徑幸輔吾志久遠相傳云爾



脈理集要

祁門汪宦子良著

統屬診法

候病所在逐部求之平脈軟滑按部應時病脈反是
小大獨異察部前後上下之至脈狀同否統屬之異
統取其概屬細分位六部五屬五臟所主應乎五行
同異之氣氣同合一氣異為二火同炎上異分丙丁
左寸心為丁火 小腸為丙火 金同光騰異分明暗
右寸肺為辛金 大腸為庚金 木同上達異分枯榮
左關肝為乙木 胆為甲木 土同上聳異分起伏 右

關脾為己土

胃為戊土

水同潤下異分溢覆左尺

腎為癸水

膀胱為壬水

前後脈同求之統候寸關

用前兩尺用後

臟腑之病各脈應之

前後脈異水之

屬候上至應前下至應後同中有異異者為逆同有

強弱尤者為芤有和兼乖和順乖逆前病上升後病

下降前後出部後覆前溢溢應上身覆應下體有脈

偏行兩旁外內其診以指推進推出推出為外推進

為內進為內侵侵內腹脹侵外身熱浮通主表頭面

皮毛經絡筋骨百節四肢沉通主裏臟腑骨髓口舌

咽喉大便小水虛為不及癢淋泄痿實為有餘熱湧

痛鬱且以統屬歧之為二統屬之法一部兩舉或以
數部兼舉大意六部象同求所屬氣洪心火炎餘可
隅舉

浮候諸陽主病在表浮實邪盛浮虛氣少浮大無力
內傷陽氣浮盛按裏虛表實浮有按無無根之謂
兩寸浮盛風寒外召關脈浮盛腹脹澼瀉左尺浮盛
小便赤澀右尺浮盛浮促風秘肝腎並浮則為風濕
沉候諸陰主病在裏沉實為積沉虛少氣寸沉氣鬱
尺沉本位喘嗽肺浮轉沉則平肝腎並沉則為石水
遲為陰盛氣血稽遲遲實為痛遲虛寒推消中遲逆

夏忌沉遲寸遲氣少尺遲血虧左關脇痛右食傷脾
數為陽盛氣血燔灼數實為熱數虛為燥浮數有力
傷寒熱燥浮數無力傷寒痰嗽沉數有力實火內灼
浮數惡寒或脈時數且有痛處皆主癰作病退數時
未足為樂數退症危真元已脫數按不鼓虛寒相搏
微數禁灸踈數難保細數而虛虛癆陰弱兼沉骨蒸
兼浮喘作加之汗嗽喉痛俱惡數宜傷寒小兒狂癎
左寸數兮或緊與數俱主頭疼數仍吐惡數短心痛
數虛口瘡數止為毒數健為狂右寸數兮肺金火燥
兼緊上疼兼滑喘嗽洪數弦緊喘嗽亦作沉數骨熱

夏來最惡左關數緊主疼居脇數止因怒數長壯熱
右關數緊口臭而燥浮而帶數易飢易飽左尺逢數
赤尿淋濁數止亦淋數虛瘡作右尺數臨大便結燥
滑為血聚熱痰孕吐滑雜大小吐瀉傷腑滑數痰盛
最嫌肌瘦秋病浮滑為子扶母秋逢沉滑冬月必死
左寸脈滑暈眩之候洪滑為孕左關同究左尺脈滑
淋痛熱蓄滑弱陽痛滑短崩漏浮洪而滑精氣不固
右寸脈滑痰火上升沉細而滑臨晚骨蒸沉緊而滑
咳嗽痰凝關滑按瀉宿食中停弦滑有孕緊滑蟲疼
短滑病酒尺滑痢興和滑孕子止滑凝經

瀉為血少惡寒敗血帶下遺精盜汗痿瀉浮瀉惡寒
沉瀉陰逆緊瀉為痺弦瀉少血瀉甚多痰最難扶濟
寸沉弦瀉痰盛喘急左關常瀉必患風氣右關逢瀉
飲食少入尺浮弦洪兼瀉脚氣尺沉瀉虛左右有異
左帶遺精右帶瀉痢

實為氣壅熱痛吐逆脈實而滿四逆頭熱春秋為順
冬夏為逆左寸脈實咽乾熱騰實大面熱煩躁體痛
左關脈實腹痛胸膨浮實而大赤痛侵睛沉實長大
壯熱陽乘左尺脈實溲澀腹痛右寸脈實氣壅兼痰
關實消食尺實便難

虛為虛症耗散氣血驚悸恍惚倦痿汗泄虛大陽虧
內傷發熱夏虛傷暑身熱汗痢左寸虛暈右寸下血
左關眼花右關倦瀉尺虛寸搏女人崩血肝腎並虛
天命將絕左血右氣早宜補益

洪為熱候虛實宜別浮洪無力虛火宜益沉洪有力
實火宜瀉洪急腹脹洪滑痰熱洪數暴吐必傷於熱
洪為病進脈宜轉細秋冬右沉老人病逆寸洪弦實
尺小汗泄浮濇沉細病分久暫左寸逢洪頭疼心熱
左關逢洪四肢發熱左尺逢洪溲澀熱結右尺逢洪
便燥足熱肺洪心微疼居左脇洪緊腹脹洪虛晚熱

細為少氣脈因而斂前大後細頭疼目眩後大前細
氣短而驗沉細候積急小背痠勻細五陰男平女孕
朝細暮大氣血因凝乍大乍小邪祟相凌數更細濇
不久歸冥寸關細虛尺沉細濇濡細脛清兼緩偏墜
緊為寒痛隨位而別寸上尺下浮外沉內癰疽緊洪
疝瘕緊細盛緊脹食浮緊寒熱頭痛項急無汗鼻窒
左寸浮緊傷寒頭痛沉緊心氣左關浮緊筋骨痛擬
沉弦脇議左尺浮緊腰足疼急沉緊腹痛小便短澀
浮緊沉濇兼虛耳閉右寸浮緊頭痛寒鬱浮緊而洪
邪傷喘息沉緊而洪咽痛糞秘沉緊而滑痰盛火熾